



Број/Број: 01,02,03/11,04/2-05-430/08  
Сарајево/Sarajevo, 28. 10. 2008.

**KOLEGIJU OBA DOMA PARLAMENTARNE SKUPŠTINE BIH**

**KOLEGIJU SEKRETARIJATA**

**ČLANOVIMA IPU GRUPE PSBIH U INTERPARLAMENTARNOJ UNIJI**

**SEKTORU ZA MEĐUNARODNE ODNOSI I PROTOKOL**

**Predmet: IZVJEŠTAJ SA 119. ZASJEDANJA SKUPŠTINE**  
**INTERPARLAMENTARNE UNIJE, ŽENEVA, OD 13. DO 15. OKTOBRA**  
**2008.**

U vremenu od 13. do 15. oktobra 2008. godine u Ženevi je održano 119. zasjedanje Skupštine Interparlamentarne unije, na kojem je učestvovalo više od 130 zemalja i više od 500 parlamentaraca, uključujući 40 predsjednika parlamenata. Bosnu i Hercegovinu su na zasjedanju predstavljali članovi Delegacije IPU PSBiH pri Interparlamentarnoj uniji u sljedećem sastavu:

1. g. Drago Kalabić, predsjedavajući Delegacije PSBiH pri IPU,
2. g. Vinko Zorić, zamjenik predsjedavajućeg Delegacije PSBiH pri IPU,
3. g. Šefik Džaferović, član Delegacije PSBiH pri IPU,
4. g. Adem Huskić, član Delegacije PSBiH pri IPU,
5. g. Savo Erić, član Delegacije PSBiH pri IPU,
6. gđica Marina Mijačević, sekretar Delegacije PSBiH pri IPU.

**Na dnevnom redu 119. zasjedanja Skupštine IPU-a bile su sljedeće tačke:**

- 1. Izbor predsjednika i potpredsjednika Skupštine IPU-a;**
- 2. Razmatranje zahtjeva za uključivanje hitne tačke u dnevni red;**
- 3. Panel diskusije o kojima će se raspravljati na 120. zasjedanju Skupštine u aprilu 2009. godine:**
  - a) Suzbijanje širenja nuklearnog oružja, razoružanje, te osiguravanje stupanja na snagu iscrpnog „Ban test ugovora“ – uloga parlamenata (Prvi stalni komitet),**
  - b) Klimatske promjene, model održivog razvoja i obnovljivih izvora energije (Drugi stalni komitet),**
  - c) Sloboda izražavanja i prava na informacije (Treći stalni komitet);**
- 4. Izvještaj Komiteta IPU-a za poslove UN-a;**

## 5. Amandmani na Statut i Pravila Interparlamentarne unije.

Na dnevni red naknadno je uvrštena tačka pod nazivom: „Međunarodna finansijska kriza: njen utjecaj na globalnu ekonomiju i zemlje u razvoju - uloga parlamenata u rješavanju krize i olakšavanju njenih negativnih uticaja“, čiji je predlagač bio predsjednik Parlamenta Egipta. Svi parlamentarci na zasjedanju urgirali su prema parlamentarnim komitetima koji se bave finansijskim, ekonomskim i trgovinskim pitanjima da hitno identificiraju najbolje načine zaštite finansijskih institucija i olakšaju negativne učinke finansijske krize. Delegacija IPU grupe iz Egipta podnijela je Rezoluciju, koja je usvojena na zasjedanju i nalazi se u prilogu.

Upravno vijeće IPU-a je na svom zasjedanju izabralo novog predsjednika IPU-a. Bili su predložena dva kandidata: g. Agung Laksono (Indonezija), predsjednik Predstavničkog doma Parlamenta Indonezije, i g. Teo-Ben Gurirab (Namibija), predsjednik Parlamenta Namibije. Većinom glasova za novog predsjednika IPU-a izabran je g. Gurirab, koji će ovu funkciju obavljati iduće tri godine.

Takođe, Upravno vijeće odlučilo je da primi Palestinu u punopravno članstvo Interparlamentarne unije.

**U pauzama zasjedanja, članovi IPU grupe BiH pri IPU održali su bilateralne sastanke s predsjednikom Predstavničkog doma Parlamenta Indonezije, g. Agungom Laksonom, koji je zatražio podršku delegacije Bosne i Hercegovine za predsjednika Interparlamentarne unije. Sastali su se i sa predsjednicom Skupštine Srbije, dr Slavicom Đukić-Dejanović, kao i delegacijom Hrvatskog sabora. Na sastancima je razgovarano o unapređenju i jačanju bilateralnih odnosa između država, kako na nivou IPU grupa tako i na nivou parlamenata. Dr Slavica Đukić-Dejanović istaknula je da joj je žao što proteklog mjeseca nije došlo do posjete članova Kolegijuma Predstavničkog doma Parlamentarne skupštine BiH Srbiji, te izrazila nadu da će ta posjeta biti čim prije realizovana.**

Izveštaj pripremila  
Marina Mijačević

sekretar  
IPU grupe BiH pri IPU

Izveštaj odobrio  
Drago Kalabić

predsjedavajući  
IPU grupe BiH pri IPU